



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1553. usque ad annum 1557

Fleury, Claude

August. Vind. [u.a.], 1771

VD18 9011857X

§. 45. Cæsar ad Divi Justi Cœnobium recedens.

[urn:nbn:de:hbz:466:1-66565](https://nbn-resolving.org/urn:nbn:de:hbz:466:1-66565)

tatu obviam processerat, solempni ritu ex-
cipiebatur: ubi verolittus Cæsar attige-
rat, prostratus in genua osculo demif-
se terram libavit, atque in hæc verba
prorupit „saluto reverenter communem
„omnium hominum parentem, prout
„nudus e Matris olim utero prodii, ita
„ad alteram hanc Matrem libentissime,
„ac libere nudus revertar: „ Porro cum
in Cantabriam appulsus prope Burgos
esset, paucos admodum sibi obvios vi-
dit Hispanos Proceres, sensitque tum
primum nuditatem suam. Huic acces-
sit & illud, nam ex centum nummum
aureorum millibus, quæ pro suis rediti-
bus ex immensis opibus sibi tantummo-
do seposuerat, quadam parte opus
tunc habebat, ut famulos aliquot dona-
ret, eosque dimitteret; verum expe-
ctandum ei plusculum, nec sine stomacho
Burgis fuit, usque dum hæc pecunia
redderetur: hanc ille offensionem sicut
dissimulanter haud tulit, ita occasionem
nonnullis forte præbuit affirmandi, Re-
gnis vix ejuratis cœpisse Carolum initi
Consilii pœnitere.

§. XLV.

*Cæsar ad Divi Justii Cœnobium
recedens.*

Cæsar Vallisoletum profectus, unacum
Carolo Philippi Filio, qui tum ibi
mora-

Thuan. l. 17.

Vera l. c.

Belc. comm.

p. 27. n. 38.

Sæcul. XVI.
A.C. 1556.

morabatur, urbem ingressus est, ibidemque tracta octo dierum mora omnes nobiles Matronas, quæ Proceribus sibi arctiori amicitia junctis nuptæ erant, valere iussit. Sub idem tempus quidam Nobilis admodum facetus nomine Petrus de Sant-Erbas prosperum Cæsari discessum gratulabatur, quem tamen Carolus duntaxat caput suum detegendo salutabat, mox vero Nobilis Cæsarem ita alloquebatur: „Augustissime, „quid hoc pileum coram me detexisti, for- „te hac submissione, te haud amplius „Cæsarem esse, demonstrare vis. Non sic „Petre, respondit Imperator, sed id ea ex „ratione factum, quia præter hoc officii „genus nil, quod tibi rependam, ultra „mihi superest.

Porro ambæ Reginæ Eleonora, & Maria cum reliquo Cæsaris comitatu Vallisoleti persistebant, ipse vero relicta hac urbe ad Hieronymianum D. Justi cœnobium recta se contulit. Referunt nonnulli, quod hunc sibi secessum jam quatuordecim abhinc annis delegerit, nam istum locum Anno Christi millesimo quingentesimo quadragésimo secundo pertransiens, hocque cœnobium sua honorans præsentia ad eos, qui illum comitabantur, dixerat: „Ecce! veram secundem pro altero Diocletiano.„ Id saltem hac in re certum constat, quod jam ineun-

ineunte Anno Domini millesimo quin-
 gentesimo quinquagesimo quinto Petrum Sæcul. XVI.
 A.C. 1556.
 Sorbionum Architectum unacum cele-
 berrimo quodam Hortulano Bruxellis
 ad hoc Monasterium præmiserit, ut ibi-
 dem in imo sex cellulæ, necnon hortus
 juxta descriptionem, formamque a se-
 metipso delineatam construerentur. Cete-
 rum hoc Cœnobium in Estremadura
 Lusitania septem, aut octo leucis a
 Placentina civitate in Lusitaniæ finibus
 prope urbem, quæ Sarandilla appella-
 tur, situm est, & amœnitate vallis,
 circumque adjacentium collium pro-
 spectu ad sacrum recessum satis com-
 modum fuit. Eo Carolus equo ve-
 ctus, ac nonnisi duodecim famulis sti-
 patus se contulit, vixque advenit, cum
 de solutis induciis antea Hispaniam
 inter, & Franciam pactis nuntium ac-
 ciperet, quod ægre admodum ferebat,
 spe tamen hac postmodum erectus, qua
 imprudentiam, ac Pontificiorum Nepo-
 tum temeritatem Franciæ rebus brevi
 nocivam fore, Gallosque prosperis, qui-
 bus erant inflati, successibus spoliandos
 augurabatur.

§. XLVI.

*Quotidiana Cæsaris vita in hac
 solitudine.*

Hist. Eccles. Tom. XLII.

Ee Por-